



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: UP1 27-04-927/22
Sarajevo, 20.01.2022. godine

Na osnovu člana 200. a u vezi sa članom 122. Zakona o upravnom postupku („Službene novine Federacije Bosne i Hercegovine“, br.2/98 i 48/99), članom 10. Zakona o udruženjima i fondacijama („Službene novine Federacije Bosne i Hercegovine“, broj 45/02), ministrica za nauku, visoko obrazovanje i mlade Kantona Sarajevo, donosi

R J E Š E N J E

Ukida se Rješenje Ministarstva za obrazovanje, nauku i mlade Kantona Sarajevo broj 11-05-05-17202-1/13 od 26.06.2013. godine.

O b r a z l o ž e n j e

Radi zaštite javnog interesa, Ministarstvo za nauku, visoko obrazovanje i mlade Kantona Sarajevo, pokrenulo je po službenoj dužnosti skraćeni postupak preispitivanja zakonitosti i postojanosti Udruženja „Vijeće mladih Kantona Sarajevo“. Prema saznanjima ovog organa, iz članstva u ovom udruženju istupili su Udruženje „Vijeće mladih Općine Novo Sarajevo“ i Udruženje „Vijeće mladih Općine Centar Sarajevo“. Osim toga, Rješenjem Ministarstva pravde i uprave Kantona Sarajevo broj 03-03-04-10252/21 od 12.08.2021. godine, utvrđen je prestanak rada Udruženja „Vijeće mladih Općine Ilidža“.

U skladu sa Zakonom o mladima Federacije Bosne i Hercegovine („Službene novine Federacije Bosne i Hercegovine“, broj 36/10) (u daljem tekstu: Zakon o mladima), vijeće mladih označava krovno udruženje mladih zasnovano na dobrovoljnom članstvu omladinskih udruženja, koje predstavlja interese mladih i omladinskih udruženja i u skladu sa članom 37. istog zakona, vijeća mladih općina iz više od 50% općina jednog kantona, osnivaju vijeće mladih kantona i registruju se kao omladinska udruženja u skladu sa zakonom i propisima.

Ministarstvo za nauku, visoko obrazovanje i mlade Kantona Sarajevo, kao nadležno ministarstvo za pitanja mladih u skladu sa Zakonom o ministarstvima i organima uprave Kantona Sarajevo („Službene novine Kantona Sarajevo“, broj 36/21) i pravni sljednik organa uprave nadležnog za vršenje upravnih i stručnih poslova utvrđenih ustavom, zakonom i drugim propisima, koji se odnose na ostvarivanje nadležnosti Kantona u oblasti nauke, visokog obrazovanja i mladih, osnovanog Zakonom o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, br. 2/12 - Prečišćeni tekst, 41/12, 8/15, 13/17, 50/20, 51/20 - Ispravka i 14/21) u javnom interesu i po službenoj dužnosti, pristupilo je provjeri ispunjavanja uvjeta za postojanje Udruženja „Vijeća mladih Kantona Sarajevo“, u skladu sa odredbom člana 37. Zakona o mladima, te utvrdilo sljedeće.



web: <http://mon.ks.gov.ba>
e-mail: info@mon.ks.gov.ba
Tel: + 387 (0) 33 562-029.

Sarajevo, Reisa Džemaludina Čauševića 1



Udruženje „Vijeće mladih Kantona Sarajevo“ osnovano je Odlukom o osnivanju Udruženja „Vijeća mladih Kantona Sarajevo“, broj 01/13 od 04.04.2013. godine (u daljem tekstu: Vijeće mladih KS). Osnivači udruženja su sljedeća vijeća mladih: Udruženje „Vijeće mladih Općine Stari Grad Sarajevo“, Udruženje „Vijeće mladih Općine Vogošća“, „Vijeće mladih Općine Novo Sarajevo“, „Vijeće mladih Općine Novi Grad Sarajevo“, „Vijeće mladih Ilidža“. U postupku osnivanja Vijeća mladih KS, broj općinskih vijeća mladih je bio 5, što je više od 50% vijeća mladih općina jednog kantona (op. a Kanton Sarajevo ima 9 općina), čime je bio ispunjen uvjet propisan Zakonom o mladima za osnivanje vijeća mladih Kantona Sarajevo, zbog čega je Rješenjem Ministarstva za obrazovanje, nauku i mlade Kantona Sarajevo, broj 11-05-05-17202-1/13 od 26.06.2021. godine, priznato pravo ovom udruženju da u svom nazivu koristi „Kanton Sarajevo“, u skladu sa članom 10. Zakona o udruženjima i fondacijama („Službene novine Federacije Bosne i Hercegovine“, broj 45/02) (u daljem tekstu: Zakon o udruženjima i fondacijama).

Nakon istupanja osnivača Udruženja „Vijeće mladih Općine Novo Sarajevo“ i Udruženja „Vijeće mladih Općine Centar Sarajevo“, te prestanka rada Udruženja „Vijeće mladih Općine Ilidža“, Ministarstvo za nauku, visoko obrazovanje i mlade Kantona Sarajevo je utvrdilo da Vijeće mladih KS trenutno nema u svom sastavu dovoljan broj vijeća mladih općina Kantona Sarajevo, da bi zakonito postojalo. O ovim statusnim promjenama koje su od značaja za pravni promet Vijeće mladih KS nije obavijestio ovo ministarstvo, što je bilo obavezno po Rješenju broj 11-05-05-17202-1/13 od 26.06.2013. godine. Također, dostava pismena na registrovanu adresu ovog udruženja pokazala je da ovo udruženje odbija prijem pismena od strane ovog ministarstva (op.a „obavješten nije podigao“).

Imajući u vidu činjenicu da Vijeće mladih KS, nakon određenih promjena od uticaja za nj status ne broji dovoljan broj osnivača tj. vijeća mladih općina Kantona Sarajevo, te da je propuštanjem obaveznog obavješćavanja ovog ministarstva o statusnim promjena i na drugi način pokazalo nezainteresiranost po pitanjima interesa mladih i omladinskih udruženja preostalih u sastavu Vijeća mladih KS, ministarstvo utvrđuje da ne postoje više uvjeti za korištenje naziva „Kanton Sarajevo“ u nazivu udruženja Vijeća mladih KS, te da dalje postojanje Vijeća mladih KS u ovom statusu šteti ugledu Kantona Sarajevu.

Na osnovu svega navedenog, radi zaštite javnog interesa i na podlozi službenih podataka kojima organ raspolaze, po službenoj dužnosti i u skraćenom postupku, u skladu sa članom 122., a u vezi sa članom 139. Zakona o upravnom postupku, te materijalnih propisa, odredbe člana 37. Zakona o mladima i člana 10. Zakona o udruženjima i fondacijama, riješeno je kao u izreci rješenja.

Pouka o pravnom lijeku: protiv ovog rješenja nije dozvoljena žalba, ali se može pokrenuti upravni spor pred Kantonalnim sudom u Sarajevu. Tužba se podnosi u roku od 30 dana od dana dostavljanja ovog rješenja.



Dostaviti:

- Vijeće mladih KS, ul. Banjska 2, Ilidža
- Vijeće mladih Federacije BiH, ul. Buka 10, Sarajevo
- Kanton Sarajevo, Ministarstvo pravde i uprave (ovdje)
- a/a

Pripremila: Belma Trajković, sekretarka, p.o. pomoćnica ministrice

